



L'Ange conducteur du petit Tobie, le preserue d'un grand poisson, duquel il tire le fiel & le foye.

LE bon Tobie estant en grande perplexité, fait son oraison à Dieu, le priant de ne luy imputer ses fautes, ny celles de ses peres, pour lesquelles ils estoient pillez & emmenez captifs. En ce mesme temps Sara, fille de Raguel (qui auoit eu sept maris, que le diable auoit tuez, ainsi qu'ils pensoient coucher avec elle) adressa ses prieres au Seigneur, afin d'euitter ce reproche qu'on luy faisoit. Or apres que Tobie eut donné l'instruction de bien viure à son fils; l'ay baillé, luy dit-il, dix talens d'argent à Gabel, qui demeure à Rages Cité des Mediens, il faut que tu y ailles pour les retirer. Lors le fils cherchant quelque vn pour luy faire compagnie, s'apparut à luy l'Ange Raphaël en forme d'un iouuenceau, qui l'assura de sçauoir le chemin. Ainsi ayant pris aduis & congé de son pere & de sa mere, ils s'acheminèrent iusques au fleuue de Tigris, auquel Tobie voulant lauer ses pieds, pensa estre englouty d'un poisson. Mais l'Ange l'assurant, le luy fait prendre par les ouïyes, & l'éuentrant en tire le cœur, le fiel & le foye, qui luy seruiroient de medecine. Desquels comme Tobie demandât la proprieté; le cœur (répond l'Ange) mis sur les charbons, chasse toutes sortes de diables par sa fumée: & quant au fiel, il donnera la fanté, & rendra la veuë aux yeux qui en seront oingts. Sur ce, Tobie estant en peine où ils iroient loger, l'Ange luy dist: Chez Raguel, qui est de ta lignée, laquelle a vne seule fille que tu auras pour femme.

Tobie 3. 4. 5. & 6. Chap.